

POPERA GA FILEMÚŮCAŮ NAXŮMATŮXŮ GA PAURŮ

Pauru rŭ nŭxŭ narŭmoxŭ ga Filemúŭ

¹ Pa Toeneŭ i Filemúŭ i Toxrŭxŭ Tupanaarŭ Puracŭwa Puracŭxex, choma i Pauru rŭ taeneŭ i Timutéumaŭ cuxcèx tanaxŭmatŭ i ñaŭ popera. Rŭ choma rŭ nuxa chapoxcu nagagu na nŭxŭ chixuxŭ i Ngechuchu ya Cristuarŭ ore. ² Rŭ ñaŭ popera i cuxcèx taxŭmatŭxŭ, rŭ naxcèx ta nixŭ i ngēma taeneēgŭ i cupatawa ngutaquēxegŭxŭ rŭ ngixcèx ta nixŭ i taeyèx i Ápia rŭ naxcèx ta nixŭ i taeneŭ i Ariquípu i taxrŭxŭ Tupanaarŭ puracŭwa puracŭxŭ. ³ Rŭ chanaxwèxe i Tanatŭ ya Tupana rŭ tórŭ Cori ya Ngechuchu ya Cristu pexŭ narŭngŭxēŭ rŭ pexŭ nataāēxēŭ.

Filemúŭ rŭ aixcŭma Ngechuchuaxŭ nayaxō rŭ yema yaxōgŭxŭxŭ nangechaŭ

⁴ Rŭ guxŭguma i ngēxguma cuxna chacuèxāchigu i chorŭ yumŭxēwa, rŭ Tupanana moxē chaxā cuxcèx. ⁵ Erŭ nŭxŭ chacuáchiga na ñuxācŭ nŭxŭ cuyaxōxŭ ya tórŭ Cori ya Ngechuchu rŭ ñuxācŭ nŭxŭ na cungechaŭxŭ i guxŭma i duŭxŭgŭ i Tupanaarŭ ixŭgŭxŭ. ⁶ Rŭ Tupanana naxcèx chaca na cuxŭ nangŭxēxŭcèx na duŭxŭgŭmaŭ nŭxŭ quixuxŭcèx na ñuxācŭ Cristuaxŭ yaxōgŭxŭ i yix-emax, erŭ chanaxwèxe na meŭ nŭxŭ cucuáxŭ na ñuxācŭ Ngechuchu ya Cristugagu poraācŭ tŭxŭ

nangũxẽẽxũ ya Tupana. ⁷ Rũ choma rũ poraãcũ chataãẽxũchi na ñuxãcũ nüxũ cungechaũxũ i ngẽma yaxõgũxũ. Erũ cugagu nixĩ, Pa Chaueneẽx, na nataãẽgũxũ i ngẽma togũ i yaxõgũxũ.

Pauru rũ Filemúũna naca na mea Onéchimuxũ nayaxuxũcèx

⁸⁻⁹ Rũ ngẽmacèx nangẽxma i wũxi i ngũxẽẽ i cuxũtawa naxcèx íchacaxchaũxũ. Rũ dũcax, Cristu nixĩ ya choxũ mucũ rũ ngẽmacèx choxũ nangẽxma i pora na cuxũ chamuxũ na cunaxũxũcèx i ngẽma ngũxẽẽ i mexũ i tá cumaã nüxũ chixuxũ. Natürũ tama ngẽmaãcũ cuxũ chamuxchaũ erũ cuxũ changechaũ, rũ ngẽmacèx chauxcèx narümemaẽ nixĩ na cuxũ chacèxũmarexũ naxcèx i ngẽma. Rũ choma i Pauru rũ marũ chaya rũ ñuxma rũ chapoxcu Ngechuchu ya Cristucèx. ¹⁰ Rũ ngẽmacèx cuxna naxcèx chacaxchaũ i wũxi i ngũxẽẽ naxcèx i Onéchimu i nuã poxcupataũwa chauxũtawa Cristuxũ yaxuxũ. Rũ ngẽmacèx i ñuxma rũ Tupanaãrũ orewa rũ chaune nixĩ. ¹¹ Rũ ũpa ga Onéchimu rũ wũxi ga curũ duũxũ ga taxuwama cuxũ mexũ nixĩ. Natürũ i ñuxma rũ cuxũ rũ choxũ rũ ta name. ¹² Rũ ñuxma rũ cuxcèx chanataeguxẽẽ i nũma i Onéchimu. Rũ chanaxwèxe i meã cunayaxu, ñoma choxũ cuyaxuxũrũ. ¹³ Chierũ chanaxwèxe na nuxma chauxũtagu naxãũxũ, rũ na cuchicũ choxũ nangũxẽẽxũcèx i ñuxma na chapoxcuxũ naxcèx i Tupanaãrũ ore i mexũ. ¹⁴ Natürũ tama chanaxũxchaũ i tacũ i tauta “Ngũ” ñacuxũ choxũ. Erũ ngẽma ngũxẽẽ i cuxna naxcèx chaçaxũ, rũ chanaxwèxe na curũ ngúchaũtama yĩxũ i ngẽma rũ tama i chorũ mugagu na yĩxũ. ¹⁵ Rũ bexmana Tupana nanaxwèxe na paxaãchi

cuxna yaxũxũ ga Onéchimu na yixcama rü wenaxãrũ cuxcèx nataeguxũcèx rü ngẽmaãcũ guxũgutáma cuxũtawa nangẽxmaxũcèx. ¹⁶ Natürü i ñuxma rü tama ngẽxũrũxũmare i curü duũxũrũ nixĩ, erü wüxi i curü duũxũãrũ yexera nixĩ i ñuxmax, erü taeneẽ i nüxũ ingechaũxũ nixĩ. Rü aixcũma poraãcũ nüxũ changechaũ i chomax, natürü chanawae i cuma rü yexeraãcũ nüxũ cungechaũ. Erü ñuxma rü tama wüxi i curü düũxũmare nixĩ, natürü wüxi i cueneẽ i tórü Coriaxũ yaxõxũ nixĩ i ñuxmax. ¹⁷ Rü ngẽmacèx, rü ngẽxguma choxũ cudèuxgu na aixcũma cueneẽ chiixũ, rü chanaxwèxe i meã cunayaxu i Onéchimu, ñoma choxũ cuyaxuxũrũ. ¹⁸ Rü ngẽxguma tacü rü chixexũ cumaã naxũxgu rü éxna tacü cuxũ nangetanũgu, rü chanaxwèxe i chomaã nüxũ quixu na ñuxre yĩxũ, na cuxũ chanaxũtanũxũcèx. ¹⁹ Rü chomatama i Pauru rü choxmẽxmaãxũchi chanaxũmatü i ñaã popera. Rü aixcũma chomatama tá cuxũ chanaxũtanũ. Rü tãũtáma cuxna nüxũ chacuèxãchixẽẽ na ñuxãcũ choxũ cunangetanũxũ i curü maxũ i taguma gúxũ i chaugagu Tupanaxũtawa cuyaxuxũ. ²⁰ Rü ngẽmaãcũ, Pa Chaueneẽx, rü chanaxwèxe i tórü Corigagu chauxcèx cunaxü i ngẽma ngũxẽẽ. Rü chanaxwèxe i choxũ cutaãèxẽẽ, erü chaueneẽ i Cristuaxũ yaxõxũ quixĩ. ²¹ Rü cuxcèx chanaxũmatü i ñaã popera erü nüxũ chacuèx na aixcũma chauga cuxĩnũxũ rü tá cunaxũxũ i ngẽma cuxna naxcèx chaçaxũãrũ yexera. ²² Rü ngẽxgumarũ ta chanaxwèxe na chauxcèx cunamexẽẽxũ i wüxi i nachica i ngextá tá nawa changuxũ. Erü íchananguxẽẽ na Tupana

tá nangãxũxũ i perũ yumüxëgü, rü tá choxũ nangüxëẽxũ na pexũ íchayadauxüçèx.

Pauru rü wenaxãrũ Filemúũxũ narümoxë rü naxcèx ínaca na Cori ya Ngechuchu ya Cristu nüxũ rüngüxëẽxũ

²³ Rü moxë cuxcèx ngema namu i Epáparu. Rü nüma rü wüxigu chomaã napoxcu naxcèx ya Ngechuchu ya Cristu. ²⁴ Rü ngëxgumarüũ ta moxë cuxcèx ngema namugü i Marcu, rü Aritárcu, rü Dema rü Luca. Rü nümagü rü chomücügü nixĩgü i Tupanaãrũ puracüwa. ²⁵ Rü chanaxwèxe i tórü Cori ya Ngechuchu ya Cristu pexũ narüngüxëẽ i guxãma i pemax.

Rü nuãma cuxna,
Pauru

Tupanaarü Ore i Tórü Cori ya Ngechuchu ya Cristuchiga

New Testament in Ticuna (PE:tca:Ticuna)

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

9d5dc22a-30be-5d26-85a9-76047f4c89e6